

სსიპ „ილია წინამძღვრიშვილის სახელობის
საზოგადოებრივი კოლეჯი“



სატენდერო დოკუმენტაცია

დაცვის მომსახურების სახელმწიფო შესყიდვა
(CPV 79713000)

გამარტივებული ელექტრონული ტენდერი

თბილისი, 2015

1. ინსტრუქცია ტენდერში მონაწილეთათვის
2. საკვალიფიკაციო მოთხოვნები/ტექნიკური დოკუმენტაცია
3. შესყიდვის ობიექტის აღწერა
4. ობიექტის შესყიდვის/მიწოდების პირობები
5. ხელშეკრულების პროექტი
6. დანართი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 7 აპრილის 9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2 გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე დედნის სახით, ან ნოტარიულად დამოწმებული ასლები. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ.

1.5 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 იმ შემთხვევაში, თუ სატენდერო დოკუმენტაციაში მითითებული შესყიდვის ობიექტის ტექნიკური და ხარისხობრივი მაჩასიათებლების აღწერისას გამოყენებული იქნება სასაქონლო ნიშანი, მოდელი, პატენტი ან მწარმოებელი კომპანია, ასეთ შემთხვევაში აღნიშნული ტერმინები გამოყენებულია „მსგავსისა“ და „ექვივალენტურის“ მნიშვნელობით და არ მიუთითებს კონკრეტულ პროდუქციაზე.

1.7 პრეტენდენტს არა აქვს უფლება წარმოადგინოს ალტერნატიული წინადადება.

1.8 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია ერთიანი ელექტრონული სისტემის მოდულის - „კითხვა/პასუხი“ მეშვეობით, ან/და სატენდერო კომისიის აპარატი, წერილობითი მიმართვის შემთხვევაში, შემდეგ ელექტრონულ მისამართზე: tmkprocurement@gmail.com. ინფორმაციის გაცემაზე პასუხისმგებელი პირი: გიორგი გურჯიძე, მობ: 577 55 61 76.

2. საკვალიფიკაციო მოთხოვნები/ტექნიკური დოკუმენტაცია

2.1 საკვალიფიკაციო მონაცემების დასადასტურებლად წარმოდგენილი უნდა იქნას უფლებამოსილი ორგანოს მიერ გაცემულ ლიცენზია შესაბამისი საქმიანობის განხორციელების შესახებ.

2.2 ტექნიკური დოკუმენტაციის სახით მიმწოდებელმა უნდა წარმოადგინოს:

2.2.1 მიმწოდებლის რეკვიზიტები №1 დანართის შესაბამისად;

2.2.2 ფასების ცხრილი №2 დანართის შესაბამისად;

2.2.3 ინფორმაცია აღნიშნულ სფეროში გამოცდილების არსებობის შესახებ;

3. შესყიდვის ობიექტის აღწერა

3.1 შესყიდვის ობიექტია 2015 წლის სახელმწიფო ბიუჯეტის ფარგლებში სსიპ „ილია წინამძღვრიშვილის სახელობის საზოგადოებრივი კოლეჯის" უძრავი და მოძრავი ქონების დაცვის მომსახურების შესყიდვა გამარტივებული ელექტრონული ტენდერის საშუალებით;

3.2 მიმწოდებელმა უნდა უზრუნველყოს სსიპ „ილია წინამძღვრიშვილის სახელობის საზოგადოებრივი კოლეჯის" უძრავი და მოძრავი ქონების 24 საათიანი დაცვა ცოცხალი ძალით გარეშე პირების შესვლისა და შინაური ცხოველების შეღწევისაგან, ასევე უზრუნველყოს საზოგადოებრივი წესრიგის დაცვა კოლეჯის ტერიტორიაზე;

- 3.3 დაცვის ობიექტი მდებარეობს ქ. მცხეთაში, სოფ. წინამძღვრიანთკარში;
- 3.4 დაცვას ექვემდებარება კოლეჯის ტერიტორიაზე განლაგებული მატერიალური ქონება (შენობა-ნაგებობები, ხეხილის ბაღი, ნარგავები), ასევე საკუთრივ მიწის ნაკვეთი.
- 3.5 დაცვის ობიექტის საკადასტრო მონაცემებია:
- ა) საკადასტრო კოდი - 72.04.04.321
 - ბ) ნაკვეთის დანიშნულება - არასასოფლო-სამეურნეო
 - გ) დაზუსტებული ფართობი - 196 172 კვ.მ.
- 3.6 მიმწოდებელმა ობიექტის დაცვა უნდა უზრუნველყოს მინიმუმ 5 (ხუთი) დაცვის თანამშრომლით სმენაში, რომელთაგან ერთი იქნება სმენის ხელმძღვანელი;
- 3.7 სმენის ხანგრძლივობა არ უნდა აღემატებოდეს 24 საათს დაცვის თითოეული თანამშრომლისათვის;
- 3.8 დაუშვებელია ერთი და იგივე დაცვის თანამშრომლის მორიგეობა ზედიზედ ორ ან მეტ სმენაში.

4. მომსახურების შესყიდვის/გაწევის პირობები

- 4.1 დაცვის მომსახურების გაწევის ადგილია მცხეთა-მთიანეთის რეგიონი, სოფელი წინამძღვრიანთკარი.
- 4.2 მომსახურების გაწევის ვადა განისაზღვრება 2015 წლის 1 აგვისტოდან 2015 წლის 31 დეკემბრის ჩათვლით;
- 4.3 გაწეულ მომსახურებაზე ანგარიშსწორება შემსყიდველის მიერ მოხდება უნაღდო ანგარიშსწორების ფორმით ლარში;
- 4.4 ანგარიშსწორება განხორციელდება ეტაპობრივად, ყოველის სამუშაო თვის დასრულებისას გაწეულ მომსახურებაზე მხარეთა შორის მიღება-ჩაბარების აქტის გაფორმებიდან და ანგარიშ-ფაქტურის წარმოდგენიდან 10 სამუშაო დღის ვადაში;
- 4.5 პრეტენდენტის მიერ შემოთავაზებული სატენდერო წინადადების ფასი უნდა ითვალისწინებდეს კანონმდებლობით დადგენილ გადასახადებს და მომსახურების გაწევასთან დაკავშირებულ ყველა ხარჯს;
- 4.6 შესყიდვის ობიექტის სავარაუდო ღირებულებაა 50 000 (ორმოცდაათი ათასი) ლარი საქართველოს კანონმდებლობით დადგენილი გადასახადების და ყველა სხვა აუცილებელი ხარჯის ჩათვლით.

მიმწოდებლის ვალდებულებებია:

- უზრუნველყოს დასაცავი ტერიტორიის სისტემატიური მეთვალყურეობა და სრულყოფილი დაცვა დღე-ღამის განმავლობაში კვალიფიციური პერსონალით;
- განახორციელოს დასაცავი ტერიტორიის პერიოდული პატრულირება;
- გათვალისწინოს ადმინისტრაციის მიერ გაცემული ინსტრუქციები;
- უზრუნველყოს დასაცავ ტერიტორიაზე ხანძარსაწინააღმდეგო წესებით გათვალისწინებული მოთხოვნების დაცვა;
- ხანძრის შემთხვევაში დაუყოვნებლივ აცნობოს სახანძრო სამსახურს და ადმინისტრაციას, უზრუნველყოს აუცილებელ ღონისძიებათა გატარება მატერიალურ ფასეულობათა და შენობაში მყოფთა უსაფრთხოების დაცვის მიზნით;
- მართლსაწინააღმდეგო ქმედების დაფიქსირების შემთხვევაში დაუკავშირდეს შესაბამის სამართალდამცავ სუბიექტებს და შემსყიდველს;
- არ დაუშვას სამსახურში თანამშრომლის ალკოჰოლური ან ან ნარკოტიკული ნივთიერების ზემოქმედების ქვეშ გამოცხადება;
- უზრუნველყოს სამსახურში დაცვის თანამშრომელთა სპეციალური ფორმით (ჩაცმულობა) გამოცხადება;
- არ დაუშვას დასაცავ ტერიტორიაზე უცხო პირთა შესვლა შემსყიდველის თანხმობის გარეშე (საშვი, სიტყვიერი ნებართვა);

- არ გადასცეს მესამე პირს დასაცავ ობიექტთან დაკავშირებული ინფორმაცია და არ გამოიყენოს იგი სხვა მიზნით, გარდა სამსახურებრივისა;
- აილოს ფინანსური პასუხისმგებლობა მისთვის მიღება-ჩაბარების აქტით ჩაბარებულ მატერიალურ ფასეულობებზე;
- დაიცვას ხელშეკრულებით გათვალისწინებული ყველა პირობა;

5. ხელშეკრულების პროექტი

ხელშეკრულება № ---
სახელმწიფო შესყიდვის შესახებ
SPA -----

ქ. თბილისი

----- 2015 წ.

ერთის მხრივ სსიპ „ილია წინამძღვრიშვილის სახელობის საზოგადოებრივი კოლეჯი“ (შემდგომში – შემსყიდველი), წარმოდგენილი დირექტორის მოვალეობის შემსრულებლის, ოთარ დაბრუნდაშვილის სახით და მეორეს მხრივ ----- (შემდგომში–მიმწოდებელი), წარმოდგენილი მისი დირექტორის ----- სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ;
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „დღე“, „კვირა“, „თვე“ - კალენდარული დღე, კვირა, თვე;
- 1.4 „შემსყიდველი“ - პირი, რომელიც ახორციელებს შესყიდვას;
- 1.5 „მიმწოდებელი“ - პირი, რომელიც ახორციელებს მომსახურების გაწევას ამ ხელშეკრულების ფარგლებში;
- 1.6 „ინსპექტირება“ - ხელშეკრულების პირობების შესრულების კონტროლი და ზედამხედველობა;
- 1.7 „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და ობიექტი

- 2.1 ხელშეკრულების საგანია საბიუჯეტო სახსრებით „გამოძიებასა და უსაფრთხოებასთან დაკავშირებული მომსახურებების“ (CPV 79700000) სახელმწიფო შესყიდვა, წინამდებარე ხელშეკრულებით გათვალისწინებული პირობების შესაბამისად, გამარტივებული ელექტრონული ტენდერის საშუალებით („სახელმწიფო შესყიდვების შესახებ“ საქართველოს კანონის მე-3 მუხლის I პუნქტის „რ“ ქვეპუნქტის შესაბამისად);
- 2.2 ხელშეკრულების ობიექტია სსიპ „ილია წინამძღვრიშვილის სახელობის საზოგადოებრივი კოლეჯის“ უძრავი და მოძრავი ქონების (მდებარე ქ. მცხეთა, სოფ. წინამძღვრიანთკარი, საკადასტრო კოდი: 72.04.04.321) დაცვის მომსახურების სახელმწიფო შესყიდვა.
- 2.3 კლასიფიკატორის კოდი: CPV 79713000 – დაცვის მომსახურება.

3. ხელშეკრულების ღირებულება, ანგარიშსწორება

- 3.1 ხელშეკრულების ღირებულება შეადგენს ----- (-----) ლარს;
- 3.2 ხელშეკრულების ღირებულება მოიცავს საქართველოს კანონმდებლობით დადგენილ გადასახადებსა და მომსახურების გაწევასთან დაკავშირებულ ხარჯებს;
- 3.3 შესყიდვის ობიექტის ღირებულების ანაზღაურება მოხდება უნაღდო ანგარიშსწორების ფორმით ეროვნულ ვალუტაში;

3.4 შემსყიდველი ვალდებულია განახორციელოს ანგარიშსწორება მიმწოდებელთან ეტაპობრივად, ყოველი თვის დასრულების შემდეგ გაწეულ მომსახურებაზე მიღება-ჩაბარების აქტის გაფორმებისა და ანგარიშ-ფაქტურის წარმოდგენიდან 10 სამუშაო დღის ვადაში.

4. მომსახურების გაწევის პირობები, ვადები და ადგილი

4.1 დაცვის მომსახურების გაწევას უზრუნველყოფს მიმწოდებელი ხელშეკრულების საერთო ღირებულების ფარგლებში, საკუთარი პასუხისმგებლობით;

4.2 ხელშეკრულებით გათვალისწინებული მომსახურების გაწევა მოხდება 2015 წლის 1 აგვისტოდან 2015 წლის 31 დეკემბრის ჩათვლით, ყოველდღიურად, 24 საათის განმავლობაში დღე-ღამის მანძილზე;

4.3 მომსახურების გაწევის ადგილია, ქ. მცხეთა, სოფელი წინამძღვრიანთკარი, სსიპ „ილია წინამძღვრიშვილის სახელობის საზოგადოებრივი კოლეჯის“ ტერიტორია.

4.4 მომსახურების გაწევასთან ერთად მიმწოდებელი უზრუნველყოფს თანმხლები დოკუმენტაციის წარმოდგენას, კერძოდ: მიღება-ჩაბარების აქტი, ანგარიშფაქტურა (ელექტრონული ვერსია).

5. შესყიდვის ობიექტის მიღება-ჩაბარების წესი

5.1 მომსახურების გაწევა ფორმდება მიღება-ჩაბარების აქტით, შემსყიდველისა და მიმწოდებლის მხრიდან საამისოდ უფლებამოსილ წარმომადგენელთა ხელმოწერით;

5.2 მიღება-ჩაბარების აქტი გაფორმდება ყოველი თვის გასვლის შემდეგ, ფაქტობრივად გაწეულ მომსახურებაზე, ინსპექტირების განხორციელების დასრულებისას. ინსპექტირება მოხდება დაცვის მომსახურების მიწოდების პარალელურად.

6. შესყიდვის ობიექტის ხარისხი და გარანტია

6.1 მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს;

6.2 მომსახურების ხარისხი უნდა შეესაბამებოდეს შესაბამის სფეროში არსებულ ნორმებს.

7. მხარეთა უფლება-მოვალეობანი

7.1 შემსყიდველს უფლება აქვს:

- შეამოწმოს შესყიდვის ობიექტის ხარისხი;
- მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება;
- დაუქვითოს მიმწოდებელს განუხორციელებელი დაცვის მომსახურების ღირებულება.

7.2 შემსყიდველი ვალდებულია:

- წერილობითი ფორმით გონივრულ ვადებში აცნობოს მიმწოდებელს ინსპექტირების დროს აღმოჩენილი რაიმე წუნის შესახებ;
- გადაუხადოს მიმწოდებელს ხელშეკრულებით გათვალისწინებული თანხა;
- დაიცვას ხელშეკრულებით გათვალისწინებული პირობები.

7.3 მიმწოდებელს უფლება აქვს:

- მოსთხოვოს შემსყიდველს მიწოდებული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად;
- მოითხოვოს შემსყიდველისაგან ხელშეკრულების სხვა პირობების დაცვა.

7.4 მიმწოდებელი ვალდებულია:

- უზრუნველყოს დასაცავი ტერიტორიის სისტემატიური მეთვალყურეობა და სრულყოფილი დაცვა დღე-ღამის განმავლობაში კვალიფიციური პერსონალით;
- განახორციელოს დასაცავი ტერიტორიის პერიოდული პატრულირება;
- გაითვალისწინოს ადმინისტრაციის მიერ გაცემული ინსტრუქციები;
- უზრუნველყოს დასაცავი ტერიტორიაზე ხანძარსაწინააღმდეგო წესებით გათვალისწინებული მოთხოვნების დაცვა;
- ხანძრის შემთხვევაში დაუყოვნებლივ აცნობოს სახანძრო სამსახურს და ადმინისტრაციას, უზრუნველყოს აუცილებელ ღონისძიებათა გატარება მატერიალურ ფასეულობათა და შენობაში მყოფთა უსაფრთხოების დაცვის მიზნით;
- მართლსაწინააღმდეგო ქმედების დაფიქსირების შემთხვევაში დაუკავშირდეს შესაბამის სამართალდამცავ სუბიექტებს და შემსყიდველს;
- არ დაუშვას სამსახურში თანამშრომლის ალკოჰოლური ან ან ნარკოტიკული ნივთიერების ზემოქმედების ქვეშ გამოცხადება;

- უზრუნველყოს სამსახურში დაცვის თანამშრომელთა სპეციალური ფორმით (ჩაცმულობა) გამოცხადება;
- არ დაუშვას დასაცავ ტერიტორიაზე უცხო პირთა შესვლა შემსყიდველის თანხმობის გარეშე (საშვი, სიტყვიერი ნებართვა);
- არ გადასცეს მესამე პირს დასაცავ ობიექტთან დაკავშირებული ინფორმაცია და არ გამოიყენოს იგი სხვა მიზნით, გარდა სამსახურებრივისა;
- აილოს ფინანსური პასუხისმგებლობა მისთვის მიღება-ჩაბარების აქტით ჩაბარებულ მატერიალურ ფასეულობებზე;
- დაიცვას ხელშეკრულებით გათვალისწინებული ყველა პირობა;
- გადაიხადოს საქართველოს კანონმდებლობით გათვალისწინებული ყველა გადასახადი.

8. მხარეთა პასუხისმგებლობა

- 8.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად;
- 8.2 ხელშეკრულებით გათვალისწინებული ვალდებულების შესრულების ვადის გადაცილების შემთხვევაში მხარეს ეკისრება პირგასამტეხლო ყოველ ვადაგადაცილებულ დღეზე შესასრულებელი ვალდებულების ღირებულების 0.2%-ის ოდენობით;
- 8.3 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში დამრღვევ მხარეს ეკისრება პირგასამტეხლო ხელშეკრულების საერთო ღირებულების 1%-ის ოდენობით;
- 8.4 პირგასამტეხლოს გადახდა არ ათავისუფლებს მხარეს ძირითადი ვალდებულების შესრულებისაგან.

9. ხელშეკრულების მოქმედების ვადა, შეწყვეტა

- 9.1 ხელშეკრულება ძალაში შედის ხელმოწერის დღიდან და მოქმედებს 2016 წლის 31 იანვრამდე;
- 9.2 ხელშეკრულება ვადაზე ადრე შესაძლებელია შეწყდეს მეორე მხარისათვის გაგზავნილი წერილობითი შეტყობინების საფუძველზე, შემდეგ შემთხვევებში:
- ა) შემსყიდველის ინიციატივით, თუ შემსყიდველი ვერ უზრუნველყოფს საკუთარი ვალდებულების შესრულებას მისგან დამოუკიდებელი მიზეზებით;
 - ბ) შემსყიდველის ინიციატივით, თუ მიმწოდებელი ვერ უზრუნველყოფს დაცვის მომსახურების განხორციელებას ზედიზედ 3 დღის განმავლობაში;
 - გ) ერთ-ერთი მხარის ინიციატივით, თუ ვალდებულების შესრულების ვადის გადაცილების გამო მეორე მხარისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს;
 - დ) ერთ-ერთი მხარის ინიციატივით, თუ ვალდებულების დარღვევის გამო გაგზავნილ წერილობით შეტყობინებას ვალდებულების შესრულების შესახებ არ მოყვება რეაგირება დამრღვევი მხარისაგან.

10. ხელშეკრულების პირობების გადასინჯვის შესაძლებლობა

- 10.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;
- 10.2 ამ მუხლის პირველი პუნქტით გათვალისწინებული პირობის დადგომისას, დაუშვებელია თავდაპირველად დადებული ხელშეკრულების ჯამურის ღირებულების გაზრდა 10%-ზე მეტი ოდენობით.

11. დავები და მათი გადაწყვეტის წესი

- 11.1 ხელშეკრულების შესრულების პროცესში მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე;
- 11.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

12. ფორს-მაჟორი

- 12.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ეპიდემიები, კარანტინი, მორატორიუმი, ემბარგო, საბიუჯეტო ასიგნებების მკვეთრი შემცირება, თუ ისინი უშუალო ზემოქმედებას ახდენენ ხელშეკრულების შესრულებაზე;

12.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე;

12.3 მხარე, რომელსაც შეექმნება ფორს-მაჟორი გარემოება, დაუყოვნებლივ წერილობით აცნობებს ამის შესახებ მეორე მხარეს.

13. ხელშეკრულების ინსპექტირების პირობები

13.1 შემსყიდველი უფლებამოსილია მოახდინოს შესყიდული მომსახურების ხარისხის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან;

13.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით;

13.3 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით;

13.4 ხელშეკრულების ინსპექტირებას და მიღება-ჩაბარების აქტის ხელმოწერას შემსყიდველის მხრიდან განახორციელებს სსიპ „ილია წინამძღვრიშვილის სახელობის საზოგადოებრივი კოლეჯი“-ს დირექტორის მოვალეობის შემსრულებელი ოთარ დაბრუნდაშვილი.

14. სხვა პირობები

14.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

14.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

14.3 წინამდებარე ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

14.4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15. მხარეთა რეკვიზიტები

შემსყიდველი:

სსიპ „ილია წინამძღვრიშვილის სახელობის

საზოგადოებრივი კოლეჯი“

მის: მცხეთა მთიანეთის რეგიონი, ს.

წინამძღვრიანთკარი

საიდენტიფიკაციო კოდი: 236098851

სახელმწიფო ხაზინა

კოდი: TRESGE22

ანგ. № 200122900

ელ- ფოსტა: tmkcommunitycollege@gmail.com

ტელ: (995 32) 210 30 29

მიმწოდებელი:

სსმს ფორმა -----

მის:-----

საიდენტიფიკაციო კოდი:

საიდენტიფიკაციო კოდი

ბანკის კოდი

ანგის კოდი

ელ-ფოსტა:

ტელ:

დირექტორის მ/შ

ო. დაბრუნდაშვილი -----

დირექტორი

პრეტენდენტის შეთავაზება

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული/ფაქტიური მისამართი:

საიდენტიფიკაციო კოდი:

ტელეფონის ნომერი:

ელექტრონული ფოსტის მისამართი:

ბანკი:

ბანკის კოდი:

ანგარიშის ნომერი:

უფლებამოსილი პირის ხელმოწერა:

№	დასაცავი ობიექტის დასახელება და მდებარეობა	დაცვის თანამშრომელთა რაოდენობა სმენაში		სმენის რაოდენობა და ხანგრძლივობა (საათი)	მომსახურების გაწევის პერიოდი	გასაწევი მომსახურების ღირებულება 24 საათის განმავლობაში	მომსახურების საერთო ღირებულება
1	სსიპ "ილია წინამძღვრიშვილის სახელობის საზოგადოებრივი კოლეჯი" ქ. მცხეთა, სოფ. წინამძღვრიანთკარი	დაცვის ჯგუფის უფროსი	დაცვის რიგითი თანამშრომელი		2015 წლის 1 აგვისტოდან 2015 წლის 31 დეკემბრის ჩათვლით		